

書



大唐開元占經卷之十六

月暈石氏中官

石氏曰月暈攝提大角在暈中天下兵橫行不禁諸

侯分政天下大亂內興兵與上爭立者以其時赦

郝萌曰月暈大角人君侯王親戚憂服又國家亡地

月以正月三暈天牢大赦

一曰天下大敗多盜賊

天牢即貫索也

石氏曰月暈織女兵滿天下

郝萌曰月暈天市有兵



郝萌曰月暈天津大將死五谷不成民流千里牛馬  
大疫 一曰有乱臣更天下之法令者

荊州占曰蛟龍見天下大乱国亡

月暈津星之口不出二旬天下大赦

陳卓曰月暈河鼓大將出將失計

月暈園大陵前足赦死罪園後足赦小罪

郝萌曰月暈五車其国女主惡之

石氏曰園一星赦小罪園二星三星四星赦次罪園

五星赦死罪並暈畢昴大陵必大赦

巫咸曰月暈五車園一柱兵少出園二柱兵半出園

三柱兵盡出兵在外暈一柱兵少罷二柱兵半罷

三柱兵盡罷

郝萌曰月暈五車不及微星無赦

月以正月暈五車園五星有德令以四月七月十

月暈五車有水陰雨五十日以十一月暈五車五

穀貴以十二月暈五車期四月有德令

郝萌曰月一歲三暈天関其年有赦

月暈天関不出六月有大喪以其日占国



又曰民多疾病

荆州占曰月行宿天門暈三重氣青關梁不通

帝覽嬉曰月暈南北河戒有雲貫之起兵者勝

郝萌曰月暈南河戒有土功

黃帝占曰月暈軒轅有女喪

荆州占曰月暈軒轅不出其月有客來

郝萌曰月暈軒轅五十日天下小赦

京房曰庚子夜月暈軒轅後甲子有大赦

石氏曰月暈天庭天子以兵自衛

巫氏曰月暈太微天子發軍自衛不入將軍之軍

又曰一月三暈太微庭人主自衛

郝萌曰一月三暈太微有赦

石氏曰月暈太微宮天子以兵自守三暈之天子自

臨兵行

甘氏曰月一月三暈圍太微庭天子座發軍謀在軍

一曰天子亡地以太赦解之

京房曰月以庚子夜月暈太微至後甲子有赦

郝萌曰月暈黃帝座有赦令



九德堂  
郝萌曰月暈黃帝座有赦令

月暈五帝座貴人死有兵有赦

一曰天子自將兵五谷大貴

石氏曰月暈文昌有大赦期百日

荊州占曰月以正月三暈天牢有大赦

巫氏曰月暈連環及北斗天下大亂國有喪民流千

里不則有流亡拔城反地者不出二年或有大赦

黃帝占曰有喪民徙千里兵聚糴貴甲乙期百二十

日丙丁期八十日戊己期六十日庚辛期四十日

壬癸期二十日皆行矣 一曰兵大起有益地者

一曰天下兵火大起

郝萌曰月暈北斗再重如連環狀不出三年大臣有

誅者有大喪赦天下

陳卓曰月暈北斗太微大角各得一星兵大動天下

大亂不然即水溢城傷人民期三十日

夏氏曰暈如連環重暈北斗魁前第一星第二星大

臣下獄流徙移二千里

月暈輔星大臣下獄



石氏曰月暈一星下缺不合上有冠戴傍有兩珥曰暈連環貫珥移北斗国有大兵大戰流血其分亡地不出一年

月暈石氏外官

石氏曰月暈平星大凶法不平

月暈魚星大水凶

月暈九坎年荒凶

月暈狼星荆州占曰狗多暴死

月以四月七月十月暈孤郝萌曰兵起

月暈甘氏中官

荆州占曰月宿天門暈三重氣青關梁不通

月暈天高不出六月必有大喪其以日占邦

月暈日星不出四年有大喪灾殃内禍匿謀

郝萌曰月暈天街關梁不通

月暈而珥冠戴袍背直虹現雲氣諸色

帝覽嬉曰月暈而珥歲為平安

月暈而珥先起兵者有喜

月有雲暈不合外有四倍璫外有謀不成



月暈有虹背蜺兵亂起期百八十日甘氏占

帝覽嬉曰月暈有蜺雲乘之以戰從蜺所往者大勝

石氏曰月暈無精光青赤暈虹蜺背瑠是謂大盪兵

喪並起王者以赦除之

高宗占曰月暈有雲加之兵入境所宿國主有喪

京房易傳曰月暈有雲貫暈左右吏死不出其年所

值之國有喪

荊州占曰月暈有雲橫貫之先起兵者勝

帝覽嬉曰月暈有雲大如厚布四貫暈過其不出年

主人憂

月暈有雲如厚布若三若四貫暈抵月以戰勿當

當者破

月暈赤雲大如杵有軍在外萬人死其下

荊州占曰月暈有白雲出其中東西竟天天下萬民

受賜

帝覽嬉曰月暈有白雲貫暈其雲大如杵一端抵月

月之所直者不出其年中國主女喪

月暈多白炁從外入攻城城後得大將多白炁從



中出主人勝

帝覽嬉曰月暈有白炁廣可二三尺而抵月在東方  
名嬰兒攻人地者亡其師

陳卓曰月暈有雲貫暈約月不出其年所直之國有  
喪

月暈有白雲一黑雲二如布抵暈有圍城拔邑之  
事大將凶死

帝覽嬉曰月暈有青雲刺月是謂賊害主受其殃為  
歲五谷不熟

有赤雲刺月是謂仇賊有黃圍月女主戮死者期  
不出四十日

有白雲刺月其國君遇賊有黑雲貫月下乍一乍  
二乍三其名曰衡雲所宿之國主死將軍死

月暈有流星出入暈中左右上下

帝覽嬉曰月暈有流星橫貫月度暈中者諸侯皇后  
有亡失國者

月暈有流星出其中其國貴人有出走者  
流星入其中有大使入者



流星貫暈不中月出月右如建鼓右吏死出月左  
左吏死

帝覽嬉曰天上無雲有流星過月下若月上其国有  
喜一日兵出

荊州占曰月暈有流星從中出其色蒼其国憂者赤  
拔城若黃益地白末年熟黑軍敗

帝覽嬉曰月暈有星出中国貴人有出走者有星從  
外入暈中其国有大夫入者

月暈客星

月暈客星帝覽嬉曰所宿之国有憂  
石氏曰月暈客星星在月北北国勝星在月南南国  
勝他方准此



大唐開元占經卷之十六終

大唐開元占經卷之十七

候月蝕

京房曰月生三日無光魄其月必蝕

孟月六日而暈月蝕仲月七日暈月蝕季月八日

暈其月蝕

易緯萌樞曰候月晝蝕視水中不見影者月晝蝕

月薄蝕

帝覽嬉曰月赤無光曰薄毀傷曰蝕皆主不祥善惡

各其說



京房易傳曰日月不交而蝕曰薄

孟康曰日月無光曰薄 易豐卦日月盈則蝕

釋名曰日月虧曰蝕稍侵如虫食草木葉也

詩云彼月而蝕則惟其常此日而蝕如何不藏

班固天文志曰古人有言曰天下太平五星循度無有逆行者日不蝕朔月不蝕望

王行充論衡曰王者有至德之萌日月無朔望之異異謂食也

京氏曰月與日相衡分天地之半循于黃道烏兔相

衝光盛威重數盈理極危亡之矣一時傾盡遂使太陽奪其光華闇虛虧其體質小潛則小虧大驕則大滅此理數之常然也

洛書曰日月蝕當用兵擊之若安居日月蝕不可出軍日蝕之歲不可出軍月蝕之月不可出軍

甘氏曰無道之國日月過之薄蝕兵之所攻國家壞亡又以有喪

鴻範曰人君失序國不明臣不務亂群陰蔽陽則日月薄蝕闇昧無光四方躋起背孺縱橫賊亂交爭



兵革並行

淮南鴻烈曰麒麟閉則日月蝕

考異部曰麒麟閉日月薄蝕

帝覽嬉曰月暈所宿之國主疾

感精符曰臣下大怒橫則日月薄于晦

石氏曰日月蝕其鄉有拔邑大戰

師出門而月蝕當其國之野大敗

月蝕三日有雨事解否則災

一曰七日有雨及雪必須普霈如微不解

雜書雜罪級曰月蝕既不吉刑法失命

荊州占曰謀臣以直死月為之數蝕

帝覽嬉曰月蝕所宿之國貴人死之其用兵者從月

蝕之面攻城取地日亦然又曰其鄉有拔邑大戰

兵常在內而月蝕其國受殃兵未起而月蝕所當

之國起兵戰不勝

荊州占曰月蝕失刑之國當之其日月食當其國君

王死攻戰從蝕所擊之者勝

尚書緯刑德效曰赦不赦月為之蝕



董仲舒對災異曰臣行刑法罰執不得其中怨氣盛  
併濫及良善則月蝕

易緯通卦驗曰月蝕則糴貴故月食則正臣下之行  
詩緯推度災曰月食大臣刑

京房對災異曰月蝕者人君行適過時專受也不  
赦則致水災害壞滅

月蝕失刑所宿之當之

月當交而蝕君子道長小人道消

夏氏曰月蝕出軍軍折損傷後有失

帝覽嬉曰月滿而蝕兩軍相當必戰無軍兵必出將  
死于野

月蝕早晚

帝覽嬉曰月蝕以晨相及太子當之以夕人君當之  
月蝕所起方

荊州占曰月蝕起南方男子惡之起北方女子惡之  
起東方少者惡之起西方老者惡之

月盡食當其下者君死 一曰有相死

帝覽嬉曰月未望而蝕從上始而盡無光天子坐之



月蝕東方其月中有惡風月食西方主人為客  
月蝕從上始謂之失道因君當之從下始謂之失  
法將軍當之從傍始謂之失令宰相當之

從上始為君親從下始為赤子蝕其陰為女蝕其  
陽為男蝕既及中分之

月蝕盡女主當之有軍在外而月蝕盡者軍罷師

荊州占曰月蝕盡有大戰軍破將死按邑亡地蝕不

盡軍破將不死

月蝕盡大人憂糴貴豪族滅勢家絕

京房妖占曰月以十五蝕而盡此謂毀亡其君有喪

若水 月蝕盡則有亡國不蝕盡則有失地

石氏曰月蝕不盡耀光散臣之象也

月蝕盡光耀亡君之殃

月蝕中分不出五年國有憂兵其軍亡

刑德效曰五刑當輕反重五虐酷忽月蝕消既行失  
繩墨大水滯枯旱其救之也惟赦五刑以成三德

月蝕變

荊州占曰月蝕青色人民多死者五谷有傷糴且大



貴望以下幾皆不出一年各國為其灾

月蝕赤色者君為客不出其年

月蝕黃色者不出其年有立諸侯為國者

月蝕白色其國失地若有喪

荆州占曰月蝕盡者糴貴各為國 月已蝕而青者

為憂 月已蝕而赤者為兵 月已蝕而黑者為

水 月已蝕而黃者為財 月已蝕而白者為喪

蕭子顯齊書曰永泰元年正月乙亥月蝕色赤如血

二日而大司馬王敬則舉兵反

月蝕而暈閉月並蝕

京房易飛候曰月暈蝕殃祥得其日得者吉得其時

者凶 月蝕盡而如血者有反臣也

荆州占曰月暈而蝕人相食

石氏曰月蝕為暈其國君主惡之

月閉薄而蝕有暈者必戰無兵兵起有軍必戰

荆州占曰月蝕有氣從外來入月中主人凶氣從中

出客凶氣南行南軍凶氣北行北軍凶東西亦然

帝覽嬉曰一月再蝕將還兵在外其國戰不勝



月未望而蝕

石氏曰月生三日而蝕盡是謂大殘國有喪

甘氏曰月生十日至十四日而蝕天下兵起如望在十四不

然

石氏曰十五日而蝕國破滅亡如望在十五日不然

月四時蝕

京房曰月春蝕歲惡將軍死一曰有憂夏蝕旱

憂穀 秋蝕羗兵起 冬蝕其國飢有女喪

月春蝕有憂夏蝕有兵起民無有一月之糧糴貴

荊州占曰孟春月蝕賤人當之仲春月蝕貴人當之

季春月蝕人主當之

月夏蝕南方歲饑秋蝕西方兵起

帝覽嬉曰月春蝕東方王死之夏蝕南方王死之季

夏蝕中央王死之秋蝕西方王死之冬蝕北方王

死之國以謀亡

十二月月蝕

荊州占曰正月月蝕有灾虫一曰燕受灾期七月

正月月蝕歲灾上旬蝕旱中旬蝕虫下旬蝕賤人



多死

帝覽嬉曰正月月蝕賤人病糴大貴 二月月蝕貴

人病糴石二千文 三月月蝕人主當之糴石四

千文 四月月蝕人主當之 五月月蝕主之饑

饑 六月月蝕赤地千里 七月月蝕有兵起

八月月蝕兵罷 九月月蝕饑有兵戰 十月月

藏谷一曰起軍 十一月月蝕有喪兵圍城破軍

殺將 十二月月蝕不盡是謂當其數不占

十二月月蝕吳國受灾期六月

一曰有流民盡乃以日辰占其野来年國有大事

兵起

十干月蝕

洛書曰月以甲乙日蝕年多魚 丙丁日月蝕年饑

一曰年谷收 戊巳日月蝕無耕下田 庚辛日

月蝕高田不入凶 壬癸日月蝕其歲和美

司馬遷天官書曰月蝕甲乙四海之外不占丙丁淮

海岱也戊巳中州河濟也庚辛華山以西壬癸恒

山以北月蝕皆將軍當之



荆州占曰月在東南西南方蝕或辰巳地來年變傷  
春垂月蝕午未方禾稼少實變憂傷

月行五星暈而蝕

井氏曰月宿歲星而蝕民相食粟石千文大司農有  
憂

荆州占曰月暈歲星而蝕天下大戰

井氏曰月行宿熒惑而蝕天下破亡有憂期不出三  
年

荆州占曰月犯熒惑而蝕天下破亡之地大將大憂

期不出三年

帝覽嬉曰月犯熒惑暈而蝕天下破軍亡地大將有

憂蝕盡者主位也不蝕盡者大臣位也遠期三年

近期三月

井氏曰月行宿填星而蝕其國以伐饑亡者

巫氏曰月當填星而蝕其國有土功之事

井氏曰月行太白而蝕強國戰不勝亡城大將有二

心不出三年

荆州占曰月宿太白暈而蝕其國有強兵若戰而亡



甘氏曰月行宿晨星而蝕其國以女亂亡期三年若  
五年 一曰所當之國戰不勝又曰有水若飢  
月 月在東方七宿蝕

黃帝占曰月入角而蝕大人將吏有憂有獄事都尉  
死天下大殃國門四閉其國凶 陳卓曰其君死

荊州占曰月蝕滅角星三年更改

石氏曰月蝕在亢刑法之臣有當黜者

甘氏曰月在亢中蝕其邦君有憂

月在亢蝕王者憂之大臣有誅死者民大疾

黃帝占曰月蝕在辰中天子憂疾妃后亦然

石氏曰月蝕辰宿大臣死后惡之王者復禮以赦除

郝萌曰月蝕于辰人多病不出四十日有治道路事

一曰水虫多死人不安

荊州占曰月在辰房蝕主治耕之臣當有黜者

石氏曰月在房蝕公卿大夫有憂或有黜者

又曰王者有憂皆亂大臣專政必有憂病

京房妖占曰月蝕在房天子有喪

郝萌曰月蝕房心間人主有兵害



石氏日月在心蝕人主惡之太子庶子有憂三公有死者

郝萌日月蝕在心臣伐其主內亂國有兵

荊州占曰三公諸侯有黜退者國內有亂兵之事

石氏日月蝕尾箕后族有刑罪若御妾有坐者后有憂貴臣犯法女主惡之

又曰主御者及樂人有斥黜者

郝萌日月蝕箕為風車騎發 陳卓曰人相食

黃帝月在北方七宿而蝕

甘氏日月蝕在南斗將相有憂兵起國亂飢凶

天文錄日月食斗妃嬪有斥者女主惡之

甘氏日月入牽牛而蝕其國叛兵起其分饑后有斥

黃帝占日月在須女而蝕國女主憂天下女工廢

郝萌日月蝕在女宮中有巫覡咒詛禱祝以求幸當

戒在巫祝

黃帝占日月在虛蝕國有喪天下改服期九十日

郝萌日月蝕虛民多去其室 一曰大戰

又曰月在虛危而蝕主刀劍衣履金玉之臣不利



有當黜者 武密曰大饑兵起

甘氏曰月蝕于危不有崩喪必有病君若大臣薨天

下改服 一曰大臣死尚服之官有斥者

石氏曰月蝕在危宮廟有驚刀劍之官有憂

一曰月在虛危而蝕戒在衣履金玉之臣有黜者

甘氏曰月在營室而蝕為軍旅士衆之貴

石氏曰月在室蝕年饑民絕糧軍亦乏糧

郝萌曰月于室食天子思嗣女主憂危土工用興天

下乏食陰道毀不能化生有黜削之罪

玄冥占曰月在東璧而蝕大臣有戮文章者執

六月在西方七宿蝕

石氏曰月在奎而蝕大臣憂黜有凶期九十日魯國

凶 一曰邦君不安有白衣之會

郝萌曰主邊兵之臣有黜者

海中占曰大將軍有謀軍乏食大將戰死

石氏曰月在奎妻而蝕主聚斂之臣有黜者

郝萌曰月于妻蝕人相食 一曰有聚斂事

甘氏曰月蝕在妻皇后憂大臣受誅



海中占曰其国有土工事人主憂宮中乱民飢有兵  
黄帝占曰月在胃而蝕王者相吞乏食大邑

甘氏曰皇后有憂 一曰虐吏死聚斂之臣憂  
郝萌曰天下飢人相食王者乏食轉輸有憂

一曰委車之臣有罪

却萌曰月在昴而蝕大臣貴女失勢失礼人相食

月于昴蝕邊兵起天下聚趙地殃主獄臣斥胡 死王

甘氏曰月蝕在畢使邊国者凶若邊国有臣誅不出

其年 一曰賊臣誅貴人多死兵起諸侯相謀

京房妖占曰月蝕畢天下有小兵 郝萌曰人相食

石氏曰月在觜食或在參伐而蝕主兵之臣當黜之

甘氏曰月在觜蝕主殺臣

月蝕于參貴臣誅大飢人相食 一曰貴臣謀

石氏曰月在參蝕主大旱赤地千里人民饑

海中占曰月蝕參兵在外大將死其国有憂天下更

令

月在南方七宿蝕

甘氏曰月在東井而蝕皇后不安大臣誅五谷不登



陳卓曰其國內亂以日占國 一曰有兵喪  
石氏曰月在井鬼而蝕主祀官五祠之官有憂大臣  
誅若蝕盡則兵起以日占其國

甘氏曰月在輿鬼而蝕皇后有憂貴臣廢天下不安  
期一年遠三年 武密曰大臣誅不則有廢斥

甘氏曰月在柳而蝕主虞水官有黜斥者

石氏曰大臣憂黜 郝萌曰人饑相食

一曰天子有疾不安其宮

乙巳占曰貴人百姓有以言坐罪者又曰其地有凶

甘氏曰月在七星而蝕正陽虧太陰星大臣有暴誅

國大饑主詞者憂黜 一曰皇后憂冀州大飢

郝萌曰主道路橋梁門戶之臣有當出者

海中占曰其國改政兵在外戰主法之官憂斥

甘氏曰月在張而蝕貴人失勢皇后有憂期七十日

水衡虞人當有黜者

郝萌曰人相食地旱或大水魚行人道

甘氏曰月在翼而蝕忠臣見譖言清正者亡期一年

一曰忠臣有誅正言者殃北夷有兵女主亂政道



化不行文籍壞滅 郝萌曰婦人多死

荆州占曰后妃失寵蜚虫多死 一曰將軍亡

郝萌曰月于翼蝕主車駕之臣有黜者

甘氏曰月在軫而食貴臣亡又曰后不安期半年

郝萌曰月于軫蝕車騎發主車駕之臣有出者

月在石氏中官而蝕

荆州占曰月在建星而蝕后妃姪姪有當黜者

石氏曰月在太微而蝕有破國易主

月在石氏外官而蝕

月在孤狼而蝕主供養之官當黜者

月蝕天狼外吏相謀

月食大角強國亡戰不勝大人憂有大喪國亡

救月蝕

海中占曰月蝕王者以救除咎則安

又日月蝕清刑明罰勅法

周禮地官司徒曰救月蝕則詔王鼓

鄭玄曰救月蝕王者必親擊鼓

禮記婚義曰婦教不修陰事不得諫見于天為之蝕



是故月蝕則后妃素服而修六宮之職以蕩天下之陰事

星傳曰月者刑也月蝕宜修刑

大唐開元占經卷之十七卷後

五星所主

五星所主

春秋緯曰天有五帝五星為之使

荊州占曰五星者五行之精也五帝之子天之使也

行于列舍以司無道之國王者若施恩布德正直

清虛則五星順度出入應時天下安寧禍亂不生

若人君無德信奸佞退忠良遠君子近小人則五

星逆行變色出入不時揚芒角怒變為妖星彗孛

彗掃天狗枉天天槍天楛槍挽雲格澤山崩地震



川竭兩血衆妖所出天下大亂主死國滅不可救也餘殃不盡為水旱饑饉疫疠之災

甘氏曰五星主兵太白為主五星主穀歲星為主五星主旱熒惑為主五星主土工填星為主五星主水辰星為主

五星木土以逆行為凶火以鉤已為凶金以出入不特為凶水以不効為凶並見其年必惡

巫氏曰五星者五勝也十二辰二十八宿舍于刑德六日為朱雀月為玄武心為青龍參為白虎常每向

北斗太乙審能知此萬事盡畢五星二十八宿以旺時則王者之事也以相時則卿相之事也以囚時囚徒之事也以廢時則萬民之事也

五星各受制而司無道之國故審五星逆順變色留守觀其喜怒變色所加宿之左右前後遠近疏數害尅陰陽伏見五炁相賊王者能救之轉禍為福宗廟可得而保社稷可得而安

石氏五星讚曰五星更出司不祥應節守道不為殃日滿不入其事與過時不出陰謀行以星所守占



厥方芒角變動非其常審察五色別青黃各以事類知災祥

五星盈縮失行

黃帝占曰有道之國五星過之不失其行則人君吉

昌萬民安寧 一曰五星不失行則年穀豐登

又曰出中道天下太平出陽道早出陰道多水雨

陳卓曰五星出陰道多陰謀

動聲儀曰五音和則五星如度

石氏曰五星分天之中積于東方中國大利積于西

方負海之國用兵者利

春秋緯曰五星早出為盈盈者為客晚出為縮縮者

為主人禍發其術

考靈曜曰天失日月遺其珠囊珠者五星也遺囊者

盈縮失度也

黃帝占曰五星不出兩河間必有不道之臣

一曰必有道不通

春秋緯曰君臣有謀心憤未言精象勅于物五星錯

于宮



郝萌曰五星不行天門天闕間皆為有喪五星不道  
東西咸皆為有賊

五星行從天闕不出其年有兵

五星皆逆行主且乘法臣且謀其主

石氏曰五星行二十八舍星七寸內者及宿者其國  
君死

五星舍二十八宿王者誅除其國

五星犯合宿中間星其坐者在國中犯南為男犯  
北為女犯東為少犯西為老

五星逆行去宿雖非七寸內而守之者其國君被  
誅刑死順而留之疾病死

郝萌曰五星並出皆逆行不出其歲天下遣五將期  
五十日

巫氏曰五星受制而出司無道之國變色而逆行犯  
凌列宿及中官留守二十日以上者皆臣殺滿六  
十日以上者王者殺則彗彗出所過之鄉其不有  
亂兵故世惑亂則天文變下侵上則五星逆  
五星逆守列宿若已去之還復居之繞環成勾已



乍大乍小乍明乍晦是謂純紀其禍愈甚  
海中占曰五星歷列宿絕列宿星有分國貴人有獄  
抵列舍其國有喪以五色占其吉凶黃為喜赤為  
兵白為喪蒼為憂黑為水

董仲舒曰五星失行度者臣非其人賢不肖並立臣  
乱于下則星錯于上進賢退不肖以救之

黃帝占曰五星逆行變色出入不時則王者宜變俗  
更行起毀宗廟立無後賤貧窮恤孤寡寬刑罰賞  
有功舉名士禮賢者順天道四時發藏財物虛府

庫薄賦歛則日月五星妖孽虹彗不為禍害矣  
郝萌曰五星有逆行及變色者不其常則以闢于上  
各以其事修其政

五星喜怒芒角變色冠珥

甘氏曰凡五星同本色天下偃兵百姓安康歌舞以  
行不見疾病五穀大昌

巫氏曰凡五星起怒犯角變留守列舍察其守犯審  
其始留之日現其時氣有與五星相賊者以決其  
事視其色變以知吉凶之旨又別其光芒所指以



知其兵起所加之鄉芒多而短者謀而未成芒少而長者其謀已成其氣專而上行芒從一至四是謂道極芒或指西或指東或指南或指北四芒以其其下必有亡國之主芒過四以上未可命也凡五星之起光怒芒角四達其形未變是謂誠兵其星形變而銳上向其下大小狀如後劍是謂成刑不可救復急堅甲勵兵以待不祥海中占曰五星有三角者兵息有五角者則兵行以角多戰也

甘氏曰五星反羽其下之國不可久處反羽者光芒上大下小收如反羽也

邠萌曰五星之常行則即垂芒上銳下大也色如其常及其逆行而反芒上向狀如反羽

黃帝占曰無道之國五星逆之即闇狀如敗炭爭流而去熒惑太白還而不離妖星數見彷徨不去如此者兵之所攻國家滅亡又曰有喪

考靈耀曰五政俱失五星色明年谷不登

石氏曰熒惑色黑填星色青太白色赤辰星色黃歲



星色白者必敗熒為火災填星為土功太白為災  
辰星為大水

甘氏曰五星與日月爭光臣有無道與其主爭者

巫氏曰五星之變吉凶患憂各比色變言之將有兵  
金星變將有喪土星變將有憂木星變將有旱火  
星變將有水水星變明主聖上候而司之轉禍為  
福使災不來

五星變色進退逆順喜怒昏與時氣相應至其衆  
也察明火不可以怒火之鄉木不可以怒金之鄉

水不可以怒土之鄉火不以怒水之鄉土不可以  
怒木之鄉逆順進退左右前後五星皆同法

天官書曰五星色青圓而為憂為水赤圓而中不平  
為兵黃圓則吉白圓喪早黑圓為疾多死

五星色青角有兵憂赤角犯我城郭黃色地之爭  
白角哭泣之聲黑白角水

巫氏曰二十八舍各有國分水旱之災皆相應故旱  
之歲其國火星赤水星黑

五星守二十八宿各以其色占其害為禍敗歲星



守木星其色白必敗熒惑守火星其色黑必敗填  
星守土星其色青必敗太白守金星其色赤必敗  
辰星守水星其色黃必敗

郝萌曰五星变色者太史公以聞于上上乃以其修  
身善政决獄寬刑罰薄賦歛去關市之稅塞廢則  
津之禁以利宣天地之氣則以次行

五星冠珥臣下逐

五星守列宿

五星犯列宿若入其国官有殃甘氏占

巫氏曰五星守木星有木異守火星有火異守土星

有土異守金星有金異屠城守水星有水異

二十八宿中外官者各有金木水火土氣五星守  
之禍敗皆不相賊害為吉凶以官名其事

歲星守木星熒惑守火星填星守土星太白守金  
星辰星守水星是為五重守併氣之象也法曰并  
氣者是謂重施過節則民多疾疫五谷不成災害  
並坐

一曰天下大旱萬物不成



歲星守火星熒惑守土星填星守金星太白守水  
星辰星守木星是五星守其子陽不施之象陽氣  
不足故多水災五穀不成

歲星守土星熒惑守金星填星守水星太白守木  
星辰星守火星是謂守輔勝上克下之象也法曰  
賦斂聚多徭役繁數下民屈竭莫之能供故下皆  
惡其上則強凌弱衆暴寡故盜賊衆多兵革並起  
一曰人民相惡

歲星守金星熒惑守水星填星守水太白守火辰星守  
土是謂守所不勝下克上之象也法曰民臣隆盛  
侵凌其上君弱臣強故奸臣賊子謀弑其主

歲星守水星熒惑守木星填星守火太白守土辰星守  
金是謂五星守其母陰氣不成之象法曰陰氣不  
足故旱多火災五穀不登  
一曰萬物不成



大唐開元占經卷之十八終

大唐開元占經卷之十九

五星相犯

易坤靈圖曰王者有至德之萌則五星若連珠

鄭玄曰謂聚一舍以德天下之象也

郝萌曰五星俱見兵布四野期不出三年

春秋緯曰帝有過其已失命絕于天則五星聚相提

及衡乱不集

又曰五星聚天子窮

荆州占曰五星精併聚篡弑成



詩含神霧曰五緯合五更紀

海中占曰五星若合是謂易行有德受慶改立天子

乃奄有四方子孫蕃昌無德受罰缺離其國家滅其

宗廟百姓離去通滿四方

五星皆大其事大五星皆小其事小

周將伐殷五星聚于房齊桓將罷霸五星聚于箕漢高

入秦五星聚東井齊則永終使伯本無更絕之事

是五星聚有不易行者

洛書雜罪級曰五星一合不言聖起合有謨

考異郵曰五星聚于一舍天下兵起

荆州占曰其國主應縮有德者昌無德者亡受其凶

殃

五星皆聚于一舍填星在其中天下兵

詩緯曰五緯聚房為義者受福行惡者滅亡

帝王世紀曰文王在野九州諸侯咸至五星皆聚于

房

海中占曰五星合亢為五穀頻不成

郝萌曰五星聚于虛天下君必有盟者二星二國君



五星則五國君皆相見

考靈曜曰帝起受終五緯合軫

河圖曰歲星率五緯聚房青帝起

石氏曰歲星所在五星皆從而聚于一舍其下之國  
可以義致天下

荊州占曰歲星與火土金水五合同舍相去三尺以  
外七尺以內相守十日以上至四十日天下兩主  
爭國入帝易跡近期三年遠七年

運斗樞曰歲星帥五精聚于東方七宿蒼帝以仁良

溫讓起勢以所含占其國

春秋緯曰五精入井從歲星聚用兵亂以義得天下

漢高元年五星聚于東井推之從歲星也此高皇帝

受命之符故客謂張良曰東井秦地漢王入秦五

星從歲星聚常以義取天下客有齊人甘文卿者

善天文後五年高祖以義遂定天下

李奇曰歲星得其正度其四星隨此帝正行故曰從  
也

孟康曰歲星先至為主也



石氏曰熒惑所在五星皆從而聚于一舍其下之國  
可以禮致天下

運斗樞曰熒惑帥五星精聚于南方七宿赤帝以寬  
明多智畧起

黃帝占曰填星與五星聚于一舍而鎮星亡焉所舍  
之國亡

運斗樞曰填星帥五精聚于中央黃帝以重厚故賢  
聖起

石氏曰五緯填星所在五星皆從而聚于一舍其下

之國可以德致天下

又曰太白所在五星皆從而聚于一舍其下之國  
可以兵致天下

天官書曰太白與五星相犯大戰出其南南國敗出  
其北北國敗行疾武不行文

運斗樞曰太白帥五精聚于西方七宿白帝以勇武  
誠信多節義起

河圖曰太白帥五緯聚參白帝起

辰星帥五精聚于北七宿黑帝以清平靜潔通明起



春秋緯曰五星從辰星聚北方七宿黑帝起以宿占  
辰星帥五緯聚營室黑帝起

石氏曰辰星所在五星皆從所聚于一舍其下之國  
可以法致天下

考異郵曰四表滅五星薄天下分爭兵甲作

郝萌曰五星一相抵觸軍半破再相抵觸軍大破五  
星相薄天下大戰相去二三尺破軍殺將流血滂  
滂天下飢荒

春秋緯曰五星錯閉臣扶兵謀下相持

合誠圖曰五星閉天子去一曰國昏亂憂在公卿

甘氏曰歲星熒惑填星太白四星與辰星閉皆為戰  
兵不在外皆為在內

郝萌曰五星相貫抵觸光耀相及有兵大戰伏軍殺  
將

郝萌占曰合閉人走馬馳九州鼎沸棄其妻兒五郡  
無主妻狄為君

五星相與合閉及列宿乘凌抵觸磨靡及入貫刺犯



守句紀環繞所在之國皆有兵喪滅國之殃  
石氏曰五星主司人君諸侯大臣之過五星合聞者  
皆為謀反大臣常有誅者

四星相犯

漢天文志曰四星若合是謂大湯湯猶盪滌也其下  
兵喪并起君子憂小人流

始興九年歲填熒太聚于東井復歷五年至晉義熙  
十三年相國劉裕入關擒姚弋于長安而秦國滅  
表亡

荊州占曰星若合于一舍其國當王有德者繁昌保  
有宗廟無德者喪

四星合閉閉其關梁女子運倉天下半亡

文曜鉤曰歲星與三星閉九州謀主

郝萌曰歲星熒惑陽也太白辰星陰也陽主中邦陰  
主外邦陽與陰合中外邦相連以兵陽與陰合兵  
謀在國陰與陽合兵謀在邦外

熒惑在未申間太白亦出酉其出也必有令四星俱  
出令大二星俱出令小不然者上必有賞賜之事



也

荆州占曰歲星與太白熒惑辰星同合相去三尺以外留守七日以上至二十日天下兵起國主絕嗣天下三主鼎足居用兵必有滅國親戚內自相賊九州謀殺軍兵社稷危亡宗廟毀滅陰百二十日殘戮九年乃更始其守七寸以內芒角七日以上至四十日天下滅亡人民殄尽行將易紀宮殿飛流期一灾十年火起為飛水涌為流石氏曰熒惑與歲星填星太白會成勾己光芒相及

主以攻者不救乱三五九十一名臣爭為主更相殘賤

三星相犯

三星合海中占曰是謂驚位其国外有兵喪人民飢改立侯與王

班固天文志曰三星若合是謂驚位是謂絕行荆州占曰三星合于一舍其國可復修德者強無德者受殃

又曰三星合閉天下動



海中占曰熒惑填星辰星芒角合開女子為天下害  
大臣弑主

都萌曰歲星與熒惑太白閉殺大將近環之貫之者  
殺邊將

又曰歲星與熒惑填星合與參會一舍君子過也  
有乱臣相亦為水為旱為飢為土工

熒惑歲星填星若舍尾分皆為用事者當之普天之  
下開牢大赦

又太白與歲星填星合其國謀兵起不戰

荆州占曰歲星與太白填星同舍相去三尺以外國  
有女喪有白衣會用兵不戰相去七寸以內名曰  
交將軍與皇后為奸謀殺其君相守以七日以至  
四十日必成刑期百八十日國主應以善令則無  
大咎

又歲星與熒惑填星同間相去三尺以外各留七  
日以上至二十日天下兵起五穀大貴人民相食  
國分土地其相去七寸以內名曰交芒天下大叛  
殺君及妻去其夫期百八十日



太白與歲星填星色合赤為兵黃為旱蒼為春多死  
亡

歲星熒惑太白三星合于一舍其國大亂若相去一  
尺至三尺守之七日已上至二十日天下皆兵

填星與太白俱入熒惑中天下有兵又有大謀

歲星太白熒惑三星合閉其分國絕嗣三王鼎足而

居必有亡國內親相賊九月作亂社稷滅亡期一

百八十日遠一年

太白與熒惑辰星春閉其歲旱夏閉不出三年易主

秋閉不出其年兵起冬閉不出三年有女喪

司馬彪曰填星與太白辰星合宿為國亡地戰不勝

火金水俱在斗有戮將若死相

熒惑太白填星辰星在東井內外有兵

木金水三星合軫為白衣合也

二星相犯

二星合天文志曰有小兵大人愁人君憂

荊州占曰其國有亡故立侯王有德者興無德者傾



大唐開元占經卷之十九卷終

大唐開元占經卷之二十

歲星與熒惑相犯

石氏曰歲星于熒惑為地動熒惑于歲星螢至冬出

當旱行禾不成

荊州占曰熒惑犯歲星為戰若歲星于熒惑其國大

乱

熒惑犯歲星冬雷鳴蟄虫行人民驚恐

熒惑當出不出調之潜行見而近歲星出其北天下

有急出其南有謀在中



歲星與熒惑接芒于南方諸侯君臣有憂其明年春  
害農時與歲星會于東方日為之食不出二年寧  
相亂人主之計不定乍退乍進不出三年之內大  
兵起

歲星與熒惑同舍相去三尺以內相守七日以上至  
四十日其國有反臣五穀傷百姓不安期一年  
天官書曰木火合為旱為飢為戰北軍困

歲星與熒惑合抑歲星色赤兵起黃白五穀傷黑為  
憂青而角赤有兵起期三十日遠六十日

歲星與熒惑合相守國君大憂近期二年遠期三年  
而發

木火合于宿之陽母子同鄉其國寧合于宿之陰有  
兵起

歲星與熒惑相守其國凶消十日以上天人作亂期  
三年

木與火合大臣匿謀有反者若主亡地其國水  
司馬彪天文志曰木與火合于虛為喪

石氏曰熒惑與相提再合宿相不死出走其國若水



司馬彪曰為奸臣大將海中占曰為內亂大臣陰謀  
其主

荆州占曰熒惑與歲星合大臣匿謀行疾兵從之戰  
不勝合若守之其分走期三年

熒惑與攝提再合有走王謂東行合西行又合不出  
二年

熒惑反歲星所立太子

火與木聚于一舍熒惑再歲星之上名曰子孫同光  
其国日以大昌留百日其国且以重德致天下在

下亦然

海中占曰火與木閉有夷狄之害有殺大將

天官書曰歲星與火合閉者大臣執君父大將殺  
主有太子天下受禍

荆州占曰熒惑與歲星閉其名曰謬臣星不出其年  
強國有易相為內亂

文曜鈞曰有夷狄之害

合閉于夏兵飢并起其分相凶不可彊兵大將殃  
一曰有病君



歲星蝕熒惑不出三年而國亡

又曰熒惑守歲星大赦

海中占曰熒惑貫歲星殺小將

石氏曰熒惑與歲星相拂天下有爭言

漢天文志曰火木閉有病君民飢歲惡

歲星與填星相犯

石氏曰地候雌雄所出之宿國亡地所入之宿國得

地地候為雌歲星為雄

郝萌曰填星所在歲星從之伐者利

歲星所在填星從之伐者不利

歲星土星皆出東方夕入西方百九十日皆正中者

兵發東方國勝當入不入及東方行九十日正中

者當發兵主死之民流亡

填星干木星野有兵相攻

文耀曰填星與木星合則變謀更事主且失勢

石氏曰地候與垣提所合之宿大戰不勝亡地主死

一曰歲星触填星太子憂或疾有赦

甘氏曰歲星土星合則為內亂



都萌曰歲星與填星合于張者則太陽晝太陽晝者  
天必有變不傷為政者則害于民又曰井泉高而  
平原出雲歲不調和貴人多內乱有大水天下易  
舍民流千里魚鱉死于陸道民憂盜賊  
歲星與填星合不通十日離十日不離天禍且降不  
義者乃合之其禍其久

天官書曰填星與木合乱生勿用戰必敗主飢  
荊州占曰歲星與填星同舍相去三尺以內相守二  
十日以上至百九十二日其國更主立王天下大

爭大臣相滅王者易統天下存亡者半其守舍逆  
行而復相守以所近之宿位當之相守一年期二  
年一曰有王者興除舊布新

歲星填星合以合日占其國邑蒼子水赤為兵黃為  
旱白為喪

歲星填星合其國熟若主吏死

填星與歲星合相犯為內乱不可羣事用兵土在木  
下利為客土在木上利為主六十日不下其國凶  
失地



歲星在下填星在上名曰雌雄間客軍大破主人勝  
在下六十日天下必有空邦徙主填星為雌歲星  
為雄

土與木合為飢饉為赤旱為兵戈

填星與歲星合有軍在外歲不勝失地

巫咸曰填星與木歲閉不出其年王者亡地將軍死

荊州占曰歲星填星閉此謂離德不出三月必有亡

國

歲星逢土曰閉光作事者敗兵起必受其殃

填星守歲有兵守後木退歲歉土退年豐有賊

歲星與填星合閉其色青為喪赤為兵旱白為兵黑

為水滌黃為土工

土與木閉合有軍必戰無軍起兵土木交行必有破  
傷

歲星與填星數合閉使客接道冠蓋相望其下國哭

位期不出六十日

歲星與太白相犯

巫咸曰太白犯木星為飢期三年有兵



荆州占曰太白犯歲星為旱為兵若環繞與之並土  
木交行必有破傷並光有兵戰破軍殺將  
歲星與太白相犯三  
巫咸曰太白犯木星為期三年

宋書天文志曰晉孝武大元十年十二月己丑太白

犯歲星是時河朔耒一連兵在外冬大飢之應

石氏曰太白與歲星相犯而有滅者諸侯相滅所宿

之國受之

甘氏曰與金星戰再死再生殺大將

荆州占曰太白入木星次中君賊死

海中占曰太白出歲星北客利歲星出太白北主人

利

荆州曰太白環繞歲星有亡主

甘氏曰太白與歲星並太白在南歲星在北名曰牝

牡相承五穀成熟太白在北歲星在南或有或無

年歲不熟飢饉

晉灼曰歲星陽太白陰故曰牝牡

又曰太白在歲星南以兵飢在歲星北以水飢

一曰有七國



歲星太白北去尺餘若不能天下有兵不出四十日  
中有戰色青則東方勝赤則南方勝黃即中央勝  
白則西方勝黑則北方勝

歲星所在太白從之伐者利有功太白所在歲星從  
之伐者不利無功

歲星與太白相遇有兵兵羅

太白其歲星過金木命曰伐其野戰入太白中次中  
大將必死

太白歲星俱出東方若并入西方王者亡地

鴻範傳曰金木舍于甯為白衣之會

黃帝占曰歲星與太白合為飢為疾為凶兵

文耀鉤曰太白與木合光大戰不合兵雖起不成

天官書曰不閉合相毀野有破城

荊州占曰歲星太白合光所合之野謀兵其相環也

乍居西乍居東有逐相兵起不戰

又曰歲星犯太白為誅死外將軍慎之無將軍不  
出四十日拜將軍期九十日

歲星與太白同光殺大將相去一尺天下召兵不出



四十日

石氏曰太白與歲星合于一舍西方凶歲星出左有  
年出右無年合之日以知五穀之有無

陳卓曰甲乙為受丙丁為忝戊己為粟庚辛為稻壬  
癸為豆

巫咸曰太白與木星合有白衣之會為水

荊州占曰歲星與太白合為喪

歲星與太白同舍相去三尺以內七寸以外金木  
不當同舍七日以上三者誅將軍

歲星往犯太白為誅死國有將軍慎之乘犯于外  
官之中則外將軍慎之乘犯于內官之中則內將  
軍慎之其國無將軍而犯太白不出四十日拜將  
期九十日

歲星與太白合于東方名曰牝牡歲星在北太白  
在南陰陽和為年豐太白歲星合于西方木在金  
伍命曰伐其國凶為白衣之會木在金北年不入  
歲星與太白合其分兵起

案宋書天文志曰魏明帝太和四年十一月壬戌太



白犯歲星五年三月諸葛亮以大衆寇天水遣大將司馬懿拒退之

晉元帝大興元年八月乙未太白又犯歲星三年六月丙辰太白與歲星合永昌元年三月王敦率江荆之衆來次京都大軍拒戰敗績故是殺護軍將周顛尚書合刁協驃騎將軍戴淵又鎮北將軍劉隗出奔四月又殺湘州刺史譙王承鎮南將軍甘卓

晉陽秋曰孝武寧康二年二月丙申太白犯歲星又

大元元年九月元帥符堅屠涼州虜刺史西平

張天錫冬十月車騎桓伊遺軍汎舟淮泗以救涼

州又發二州官吏移積汎民悉買淮南大元五年

辛卯歲星與太白相犯於東井十二月元帥符堅

圍襄陽

荆州占曰太白居歲星南南國敗居歲星北北國敗

歲星出隨太白於西方相遠天下無兵

太白與歲星合未至太白從歲星疾主人急憂失

城歲星從太白疾客急



太白與歲星合其国有謀兵一曰木金合于一舍  
分有蝗虫

太白與木星合相去五尺戰三尺有破軍二尺後  
國光共相及大亂其分民飢兵起

司馬遷天文志曰歲星與太白閉其野有破軍国有  
內亂

荊州占曰歲星與太白閉西方八日兵起否則八歲  
兵起有流血其下

黃帝占曰太白與歲星閉強國易相

石氏曰太白與歲星閉所在之国有內亂

文耀鉤曰太白與歲星閉將軍殺君軍在外破軍殺  
將有夷狄害

巫咸曰太白與歲星閉名雄無戈兵

太白與木星合閉兵在外為亂

荊州占曰太白與歲星閉相亂有賊諸侯人民離其  
鄉一曰民多死者

歲星逢太白曰閉有土工歲旱天下大飢先舉兵  
不勝必受其殃



太白與歲星合閉於東方有兵於外必有戰鬪於  
四方必有七國死王白衣之會

歲星與辰星相犯四

司馬彪天文志曰辰星犯歲星為兵

荆州占曰辰星與歲星合而犯之為殞霜若合而閉  
其國亂

歲星與辰星合相去也寸而交芒相接七日以上  
至二十日天下民流水泉湧出期三年一曰主有  
女喪

郝萌曰歲星干辰星冬泄疾

荆州占曰歲星掩辰星客將死期不出其年

黃帝占曰歲星與辰星合則為變謀而更事國多水

民飢

荆州占曰歲星與辰星合舍相去三尺相守也日以  
上其國君臣俱和道得相生期百八十日有衣榮  
之兆

歲星與辰星合見起兵者凶後起兵者吉

辰星與歲星合其分有水兵執並起



甘氏曰歲星與辰星合閉軍在外則有戰兵兵不在外為內亂

却萌曰歲星與辰星閉滅之後大將薄之貫之殺偏將

荆州占曰歲星與澆星閉將軍死期一年

大唐開元占經卷之第二十章終

大唐開元占經卷第二十一

五星占四

熒惑與填星相犯

巫咸曰熒惑犯填星兵大起

按宋書天文志曰晉穆帝升平二年八月戊午熒惑犯填星三年十月諸葛修舟軍入河敗績

荆州占曰熒惑與填星合而死大將軍為亂若守之

女主凶期三年

司馬彪天文志曰熒惑犯填星為大人忌



春秋緯曰熒惑于填星大旱

荊州占曰熒惑入填星中將軍為亂

文耀鉤曰主善不失攻期熒惑與填星相扶

荊州占曰熒惑去填星而復歸環繞之不出六年中

國亡主又曰為暴徵

石氏曰熒惑與填星會主走出

巫氏曰熒惑與土星合是謂內亂

班固天文志曰土與水合為壅沮

晉灼曰水性壅而滯土故曰壅沮一曰壅填也不可

舉事用兵又曰國亡地

邴萌曰熒惑與填星合其國事者坐之又曰熒惑與

填星合環繞之不出三年天子失位又曰熒惑與

填星合女子坐之

文耀鉤曰填星與火合則火旱陽行害又曰火與土

合憂主孽祥

石氏曰填星與火合大人惡之

海中占曰填星與熒惑合女子為天下害

邴萌曰填星與熒惑合為禍喪其國不可舉事用兵



必受其殃

按司馬彪天文志曰孝順帝漢安二年六月乙丑熒惑光芒犯填星明年八月孝順帝崩孝冲即位明年正月又崩

荊州占曰填星與熒惑合土在火上他兵加之必尅土在火下各不動者名曰子母同光其国得地猛強若同上下民有逆心其分兵起更王

石氏曰填星使與熒惑所合之宿戰不勝国有飢饉  
係注

按宋書天文志曰宋武帝大明五年正月火土同在須女占曰主惡之三月間

文穆皇后薨係注

石氏曰熒惑從填星聚于一舍名曰大陽其下国且有重德致天下期在十年

文耀鉤曰熒惑與土閉則子弟乱

巫咸曰填星與熒惑閉不出其年有亡国

郗萌曰熒惑與土合閉兵起近期十五日中期三十日遠期六十日



荆州占曰填星與熒惑與閼必有叛臣為亂有兵起  
期不出二年

又曰熒惑與填星閼不出三年有亡國

又曰熒惑與填星閼王者亡地將軍死之

又曰填星與熒惑合相守主以孽為憂其下國失

地若有園邑

又曰熒惑與填星相守為憂喪

石氏曰熒惑守填星旱一曰兵大起

熒惑與太白相犯

荆州占曰熒惑與太白相犯大戰太白在熒惑南南

國敗在熒惑北北國敗

文耀鉤曰熒惑從太白軍憂離之軍却出太白之陰

有分軍出其陽有偏將之戰當其行太白逮之破

軍殺將

荆州占曰熒惑太白相犯為兵喪又為逆謀

甘氏曰熒惑干太白草木傷華妨政

石氏曰熒惑與太白會為鏢

荆州占曰太白熒惑合去之一尺曰鏢其下之國不



可舉事用兵必受其殃

荆州占曰熒惑入太白將軍戰

海中占曰熒惑與太白合從火有兵罷火從金兵大起

按張璠漢紀曰初王師敗于曹陽欲浮河東下太之令王立曰春太白犯填星於斗過天津熒惑又逆行守北河不犯也由是遂渡北河將自鞏間東出立又謂宋開鄧文曰太白守天關與熒惑合金火交金革之象也漢祚終矣

晉魏必有吳者後立數言於帝曰天命有去就五行不常旺代火者土也承漢者魏也能安天下者曹姓唯委任曹氏而已公聞之語也曰知公忠於朝廷然天道深遠幸勿多言

荆州占曰太白與熒惑遇是謂金入火有兵兵罷國安無禍

海中占曰熒惑太白合野有破軍死將

班固天文志曰孝景後元年五月壬午火金合于輿鬼之東井不至柳出輿鬼北可五寸丙戌地大動



鈴鈴然民大疫死棺貴至秋止係注

按司馬彪天文志曰孝殤延平元年正月丁酉金火  
在婁占曰金火合大人憂是歲八月辛亥孝殤帝  
崩係注

荊州占曰熒惑與太白合主人兵不勝

又曰所合國野有殃二旬四五日兵過其野三旬  
四五日兵宿其野三月不去其國亡

又曰熒惑與太白合同舍其分有兵戰相離則軍  
離

按檀道鸞晉陽秋曰孝武寧康二年十一月癸酉太  
白格熒惑在營室時桓石處破氏賊姚萇於墊江  
又曰熒惑與太白合其國不可以舉兵反受其  
殃

黃帝占曰熒惑與太白俱入斗不出其年國亂有憂

又曰熒惑入東井太白隨之兵喪並起

郤萌曰熒惑入東井太白隨之將若相死一曰君死

又曰糴貴

荊州占曰熒惑入東井太白隨之道上多死人



陳卓曰熒惑入東井太白隨之百川皆溢  
韓揚曰熒惑太白接皆赤而芒三十日舍天澤開河  
不渡諸侯不通其君死之

石氏曰熒惑與太白相隨西行熒惑舍天門西太白  
舍天門中一曰舍天津人主無出国門

荊州占曰太白從熒惑聚于一舍熒惑其上名曰乘  
太白其歲多兵不用其國將以武致天下逆行兵  
起

石氏曰熒惑太白所守之宿在東方女勝男

海中占曰熒惑入太白中上出破軍殺將客勝

荊州占曰熒惑入太白中五十日將死

又曰熒惑與太白相入入而不出其國亂有憂

又曰熒惑出太白之左右軍戰出其左將勝出其

右軍戰右反之

又曰出太白之左小戰出太白之右去之三尺軍

小敗

黃帝兵法曰熒惑出太白之陰若不有分軍必有他  
急分大軍也



荆州占曰熒惑所在太白從之伐不利無功太白所  
在熒惑從之伐者利有功

石氏曰熒惑往從太白聚于一舍太白為失明熒惑  
赤色而光環繞太白所守之國大兵起

荆州占曰太白與熒惑遇之謂金入火有兵罷無從  
後

又曰太白在熒惑之上所聚之國且以義致天下  
若在左右名曰秋兵其國必大敗

又曰熒惑在太白前後左右成戰客勝

又曰太白出熒惑之東不出三月兵起

又曰太白居熒惑之後而相及破軍殺將

又曰太白久居熒惑上復下居熒惑下有反者

宋武兵法曰太白熒惑一南一北為死喪

郝萌曰太白乘熒惑軍敗隨熒惑軍憂

又曰熒惑太白合而太白起角芒而光居熒惑之  
上其國且有用兵三十日不去天下三年兵起六  
十日不去下有空國死主

荆州占曰太白與熒惑相留十日如去有兵大戰其



不滿十日有兵而不戰期不出一年中  
又曰熒惑環太白大将死

文耀鉤曰熒惑方行太白環之破軍殺將  
石氏曰熒惑薄太白亡偏將

荆州占曰熒惑從太白下上抵太白下入軍急不戰  
又曰熒惑正抵太白不去客將死

又曰熒惑摩太白下破軍主將死

又曰熒惑摩太白有數萬人戰軍敗人主死

又曰太白貫熒惑偏將敗亡

春秋緯曰熒惑與太白相逢而閉勝太白破軍殺將  
熒惑破人主弱名聞海內

文耀鉤曰熒惑與金閉陰不制

又曰有戰兵兵不在外為在內

按宋書天文志曰晉惠帝永寧二年十月熒惑太白  
閉于虛危十二月熒惑就太白于營室初齊王問  
定京都因留輔政遂專傲無君是月成都河間長  
沙王討之問又交戰攻焚宮闕問兵敗夷狄又殺  
其兄上將軍寔以下二十餘人也



巫咸曰太白與熒惑閉不出其年兵起

又曰太白與熒惑春閉歲旱夏閉不出其年易相  
秋閉不出其年兵起冬閉不出二年有喪  
荊州占曰熒惑與太白相過而閉不勝有憂

又曰太白與熒惑閉大將戰死

又曰熒惑與太白閉諸侯王有喪若離國若多口  
舌有內疾人民上伐若戰殺大將歲大飢

又曰熒惑與太白閉不出三年易相

又曰春太白與熒惑閉亡君之戒也夏閉不出二

年名山破冬閉不出其年有大喪一曰女喪

郝萌曰熒惑守太白北太子終若皇子終守其南嬖

死若季子死居東西亦然若相死皆期三月

荊州曰太白與熒惑相守其閉容谷血滿其野其間  
容矛有血流久相守血盈溝

熒惑與辰星相犯三

劉向鴻範傳曰火水合於斗不可舉事用兵必受其  
殃

按鴻範天文星辰變占曰漢黃初元年十一月熒惑



大德堂  
典辰星合于斗後三年其王滯變七國舉兵及漢  
太尉周惡大敗之

荊州占曰熒惑典辰星秋合有兵冬合有喪

又曰熒惑典澆星合東方澆星白而大兵在外削  
地為和

又曰熒惑典辰星合大水交行其國不可以先起  
典合于東方臣謀其主合于西方不出九十日其  
國宮中有事

又曰熒惑典辰星合於尾箕其國大臣凶春夏為

兵秋冬為喪凶

郝萌曰熒惑典辰星在尾箕相近天下宰大赦

又曰熒惑典辰星處虛北冬雷雨水流忌甲子

石氏曰熒惑典辰星合為水必饑舉事用兵有內亂

又曰熒惑典辰星相去三尺大人當之

又曰天下大赦

又曰澆星典熒惑合冬為刑他時為涿

晉灼曰火入水故曰涿也其下之國不可舉事用兵  
必受其殃



天官書曰火星入水為喪

甘氏曰澆星于火星而電上即妨太子嬖人不即妨

太尉司馬

荆州占曰辰星與熒惑合而相守水火亂行國有兵  
喪若不有兵疾疫流行

按班固天文志曰孝景五年四月乙巳水火合于參  
其年四月梁孝王死

荆州占曰澆星與熒惑合其國大旱赤地千里又為  
饑將行舉事大敗有覆軍殺將

陳卓曰澆星與熒惑合其國主出走

又曰熒惑所在辰星從之伐者利有功辰星所在  
熒惑從之伐者不利

又曰熒惑與辰星相過是謂不祥不可用兵命曰  
自伐

又曰野有兵不戰兵在外亦罷

文耀鉤曰辰星抵觸熒惑辰轉復離而復合河漂山  
天雨給主哭於宮

荆州曰熒惑博辰星抵之貫之殺偏將



文耀鉤曰熒域與水鬪則以暴敗

班固天文志曰火與水合為北軍困

荊州占曰火與水合鬪女子天下害

又曰熒域與辰星鬪相毀敗也則有外兵不即內

其國鬪東方臣欲伐主鬪西方期九十日強國宮

中有亂

又曰熒域與辰星鬪辰星滅將死

又曰熒惑與辰星合鬪其國內亂有兵起其分野

大凶



大唐開元占經卷之二十二

填星與太白相犯

石氏曰太白干填星敗殃五穀不熟唯饑亡

文耀鉤曰填星與太白合為白衣會

春秋緯曰為水

石氏曰所合之宿國亡地

荊州占曰地候與太白合太白在地候南名曰牝牡

年谷熟在地候北歲偏无饑荒

太白在上地候在下名曰并光逆也不出三年有



兵民流

地候在太白北去之七寸母子同光義讓而行年  
谷登人主壽

填星與太白舍合相守為兵饑疾疫不出三年下  
有流民

石氏曰填星與太白俱入營室中天下且有謀兵  
卻萌曰地候與太白合斗光芒相接相為亂

甘氏曰太白與填星合為疾為內兵  
荊州占曰太白與填星合填星色蒼為春多死赤為

兵黃為旱

太白在填星北一尺女主不用事在填星南一尺  
女主死

太白繞環填星將治兵必增土

焦延壽曰填星與太白俱出國得地

荊州占曰地候太白相近數十日間不相去有好太  
后者

填星干太白者水草木死

填星與太白合聞臣謀主有兵起其國失地



文耀鉤曰太白觸地候則主任恣發大兵相殘賊  
巫咸曰太白與地候閉期九十日其君憂王者亡地  
若有兵與喪更立王公

土星與水星相犯

甘氏曰水干土夏寒而雨雪妨女主

荊州占曰地候干辰星冬虹雷行夏寒雨雹隕霜

辰星犯填星夏多寒霜秋多淫雨女主見放一曰  
女主有憂

石氏曰地候與澆星合于東方澆星色白而大天下

有兵于外裂地相賂為和

按漢文帝十年十一月戊戌土水合于危齊分占曰  
為壅阻若得水為壞所當之國不可舉事用兵必  
受其殃將有覆軍若三年齊王彘兵應吳楚吳楚  
敗而自殺

天官書曰土星與水星合為壅閉有覆軍其國不可  
舉事出亡地入得地謂所出宿所入宿也  
有變謀而更事

澆星與填星合文耀鉤曰內亂飢勿用戰



石氏曰澆星與填星合為壅沮所當之國不可舉事  
用兵必受其殃

甘氏曰有敗軍死將  
海中占曰澆辰與填星合在虛中秋水出其國不  
郗萌曰齊國地動

辰星與地候合有陰謀者

荊州占曰辰星出而與填星會主令不行  
石氏曰辰星逐填星會者國有土工田後非法奸臣  
所為誅之則吉

郗萌曰填星所在辰星從之伐者不利

荊州占曰辰星所在填星從之伐者利有功

填星與辰星為雌雄俱入宿其國得地俱出之宿  
其國失地

填星與辰星合閉軍在外必戰無軍為內亂

辰星與地候合關其國有兵水土相從關梁不通  
其國亂

黃帝占曰填星與澆星閉東方臣伐君閉西方期九  
十日強國宮中有亂事



太白與辰星相犯

石氏曰太白干辰星西方有人東方大虛有殃及匹夫

甘氏曰辰星干太白魚不為化

荆州占曰太白出東方辰星出其下謂在太白東方太白出西方辰星出其後謂在太白西方太白辰星以初出為先後太白出東方辰星亦出東方太白先出辰星後出辰星上過太白而去臣負背其主者不出三年

太白辰星同日出于東方東方有兵同日出于西方西方有兵

太白辰星更迭出入以為主客太白出而辰星不出太白為客辰星出而太白不出辰星為客而金水俱不出熒域為客無主人兵雖勝不合戰

天官書曰辰星不出太白為客其出太白為主人兵法曰太白與辰星俱出東方西方國大敗俱出西方東方國大敗若客主人俱出軍東方東方敗軍在西方西方軍敗言其表軍也在表者不善不獲



已軍堅守可也

石氏曰辰星與太白同出東方皆赤而角倍海國大  
敗中國大勝其與太白俱出西方皆赤而角中國  
大敗倍海國大勝

天文志曰夷狄大勝一曰背黑水國利

荊州占曰太白辰星俱出東方俱出西方客主相見  
有軍必戰無軍起軍

太白出辰星左走居太白前主大小利逐入之主  
人大利

太白出辰星右走居太白前客小利逐入之客大  
利留有兵兵罷

太白出辰星北客利辰星出太白北主人利并出  
東方利以伐西并出西方利以伐東

太白出辰星居其後二十日兵起辰星居其前十  
五日兵罷居其右去之三尺有軍必戰客將死居  
其左兵一人更死

辰星居太白前則兵罷居後則兵起居陽則利客  
居陰則利主



石氏曰辰星居太白前旬三日軍羅出太白後有兵起

荆州占曰太白與辰星過太白避之主人畏客也天下有兵

太白出東方辰星俱居其前而不去十五日若二十日而入陰兵滅不大戰辰星去兵羅

又曰天下有兵

辰星在西方居太白之前十五日若二十日而入陽兵滅客去又曰天下無兵

辰星太白俱出西方辰星居太白之前相近間可咸劍咸者出出客也其間可客一劍也

在酉北陰國有兵謀在酉南陽國有兵謀其不相近兵官有滅者

郝萌曰太白辰星在酉北北國之事也在酉南南國之事正在酉中國之事也正在卯則陽國之事也荆州占曰有軍太白辰星俱出一方同而異宿客主人來會敵軍雖近勢未戰宿乃逐不同合各自羅有軍太白出東方辰星出西方若太白出西方辰



星出東方為格野雖有軍兵不戰

石氏曰辰星出而與太白不相從雖有軍不戰  
海中占曰辰星與太白合東方天下兵大起盛而不  
戰裂地相賂為利

甘氏曰辰星與太白合為變謀為兵憂

按漢彥景元年正月癸酉金水合于婺女期三年吳  
楚七國反軍敗走死

荊州占曰太白辰星相去二尺若一尺破軍殺將其  
從前大病從傍小病與太白相薄戰其先起兵者

函

辰星與太白不相近三四尺于東方辰星二十日  
不入至三十日東南國有兵不戰期至春夏之時  
有兵

辰星與太白不相近于西方二十日至三十日辰  
星又反入西方北國有兵

辰星與太白相近三四尺于西方二十日至三十  
日軍戰辰星相遠不戰

郝萌曰辰星隨太白于西方天下無兵兵起期六十



日天下有兵客利相去間可四尺客兵愈利相遠  
不戰兵軍未解辰星入而罷

太白與辰星合有邊兵

石氏曰太白辰星聚于一舍天下小旱其下之國必  
以重德致天下守之三十日不去其草木有傷五  
谷滅亡

陳卓曰太白與辰星合其用事者坐之

鴻範曰金水合婺女有變謀為兵憂

太白辰星同守昴不出百日趙君為人所囚人臣

相戮

荆州占曰太白與辰星合太白為主人辰星為客則  
有兵戰客勝

辰星環繞太白大戰主人偏將死抵太白天人大  
將死

太白出辰星從之急相去一尺兵起大戰光芒相  
反若摩之其下有數萬人戰客人勝主人軍敗  
辰星隨太白於西方環繞居抵太白居西北則陰  
國起兵居西南則陽國起兵期六月兵在外則戰



客利

石氏曰辰星未抵太白不去將死正旂所出破軍殺將客勝

天官書曰旂不出客亡地也親旂所指以命破軍

辰星摩太白左大戰主人與更死摩太白右萬人戰主人勝

文耀鉤曰辰星摩太白傾摩者謂光相及也傾者敗壞之應也

巫氏曰太白與澆星閉不出其年國臣反

天官書曰太白與辰星閉必有大戰客勝主人與吏死

荆州占曰有軍在外大戰流血兵在外則有內亂之兆

春秋緯曰辰星圍太白若與閉大戰過太白閉可客劍小戰出太白右軍急青角兵憂黑角水流辰星與太白合閉亢旱

荆州占曰辰星與太白相逢而閉辰星不勝燕趙代有憂



水與金閉其分有反臣期不出三年

辰星與太白相閉太白分散客軍勝秦國有憂若  
辰星分散主人軍勝燕代有憂

太白環繞辰星若與太白抵觸間一尺客劍破軍  
殺將主人勝

辰星入太白中復出人君死


石氏曰澆星入太白中五日而出與出入而上出破  
軍殺將客勝下出客亡地三百里

太白守辰星其國君死

辰星從太白相守其間可威劍有數萬人戰其下



大  
唐  
開  
元  
占  
經  
卷  
第  
二  
十  
二  
終





卷之四